



ATASSUT

UKA 2015/28

Siverth K. Heilmann

11.11. 2015

**Imartami sillimaniarnerup, umiarsuarnik nalunaarsuinerup, inatsiseqarnerup il.il. tamakkiisumik oqartussaaffigineqalersinnaaneri pillugit Naalakkersuisut UKA2016-mi nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut.**

**(Inatsisartunut ilaasortaq Nikolaj Jeremiassen, Siumut)**

Siullermik inatsisartuni ilaasortaq, Nikolaj Jeremiassen Siumut, aalajangiiffigisassatut siunnersuutaanut qujanaq, imatullu naatsumik ATASSUT-miit oqaaseqarfigissavarput.

Nunatta imartaani umiarsuartigut angallannerup, pingaartumillu takornariartaatinik sineriasuatsinni isorartoqisumut inuilaamullu angallannerat annertusiartuinnarpoq eqqartortar-parput.

Annertuumik ajutoortoqassagaluarpat sillimaniarnerup pingaasusianut ilanngullugit eqqartortarparput, isumannaallisaanerup sukateriffigineqarnissaa ilanngullugu. Umiarsuartigut ajutoortoqassagaluarpat annaassiniarnissami isumalluutigineqartut ikippallaarnerinik inatsisartut ilisimatinneqartareerpugut. Sinerissatta iluanut appakaatinnginnermi eqqaagajukkatta ilagaat ilisimasortaqartarnissamut tunngasoq.

Siunnersuuteqartup tunngavilersuuteqarnermini eqqartugai annerusumik pulaffingngikkaluarlugit taamaattoq ATASSUT-miit ammaffigilluinnarparput Naalakkersuisut UKA 2016-imi nassuiaammik saqqummiussinissamik peqquneqassasut.

Taamatut naatsunnguamik oqaaseqarluta, suliap aappassaaneerpeqannginnermini ataatsimiitita-liami susassaqartumut ingerlanneqarnissaa ATASSUT-miit inassutigaarput.